

PLAN DE CONTINXENCIA CURSO 2020-21



**COLEXIO PLURILINGÜE
“LA INMACULADA” (PONTEAREAS)**



PLAN DE CONTINXENCIA CURSO 2020-2021.
COLEXIO PLURILINGÜE "LA INMACULADA" (PONTEAREAS)

INDICE:

I. INTRODUCCIÓN. PX 2

II. ACTUACIÓNS PREVIAS DIANTE DA APARICIÓ N DUN ABROCHO..... PX 3

III. ACTUACIÓ NS PARA O PERIODO DE ACTIVIDADE LECTIVA NON PRESENCIAL. PX 5

IV. MEDIDAS PARA O REINICIO DA ACTIVIDADE LECTIVA PRESENCIAL PX 5



PLAN DE CONTINXENCIA CURSO 2020-2021.

COLEXIO PLURILINGÜE "LA INMACULADA" (PONTEAREAS)

I. INTRODUCCIÓN

O Plan de Continxencia do CPR PLURILINGÜE LA INMACULADA ten por finalidade establecer os procesos para o reinicio da actividade académica presencial da nova normalidade. Tamén no caso de que se produzan novas suspensións da actividade lectiva como consecuencia da aparición dun gromo que supoña o cese da actividade presencial nunha aula, nunha etapa educativa concreta ou no centro en conxunto.

Trátase dun plan adaptable e modificable en función da situación epidemiolóxica.

Seguindo as directrices marcadas pola Consellería, foi elaborado polo Equipo Directivo coas aportacións do profesorado do centro, a pesar de non ter formación en materia sanitaria nin de organización en aspectos relacionados coa prevención de riscos laborais.

II. ACTUACIÓNS PREVIAS DIANTE DA APARICIÓ N DUN ABROCHO.

1º- Non asistirán ao centro aquelas persoas que teñan síntomas compatibles con COVID 19, así como aqueles que se atopen en illamento por diagnóstico de COVID 19, ou en período de corentena domiciliaria por ter contacto estreito con algunha persoa con síntomas ou diagnosticada de COVID 19. Tampouco acudirán ao centros as persoas en espera de resultado de PCR por sospeita clínica.

2º - Diante un suposto caso de sospeita de que unha persoa comeza a desenvolver síntomas compatibles con COVID 19 no centro educativo, seguirase o seguinte protocolo:

- a- Levarase a un espazo separado de uso individual (Aula COVID).
- b- Colocaráselle unha máscara cirúrxica, tanto ao que iniciou os síntomas como á persoa que quede ao seu coidado.
- c- Contactarase coa familia no caso de afectar a alumnado.
- d- Chamarase ao centro de saúde de referencia.
- e- No caso de presentar síntomas de gravidade chamarase ao 061.
- f- O/a traballador/a que inicie síntomas debe abandonar o seu posto de traballo, e logo seguir as instrucións do centro de saúde ata que a súa situación médica sexa valorada por un profesional sanitario.

3º -No suposto da aparición dun caso ou dunha sospeita de coronavirus, a persoa coordinadora do equipo COVID 19 incluírá na aplicación informática a información prevista do eventual afectado/a; os que teñan a consideración de contactos estreitos, os dos compañeiros/as afectados/as e do seu profesorado, así como todas as persoas consideradas casos estreitos. A aplicación xerará unha alerta no Central de Seguimento de Contactos (CSC) quen se encargará da vixilancia evolutiva das persoas



PLAN DE CONTINXENCIA CURSO 2020-2021.

COLEXIO PLURILINGÜE "LA INMACULADA" (PONTEAREAS)

identificadas como contactos. Cando o fluxo de información proceda da autoridade sanitaria tamés será incorporada.

4º- A familia dun neno/a con sospeita de contaxio deberá solicitar unha consulta telefónica co seu pediatra para que este avalíe a necesidade de solicitude dun test diagnóstico. Se non houberse cita para ese mesmo día, acudiran ao PAC para a valoración polo médico de atención primaria.

Tras a aparición dun caso diagnosticado de COVID 19 seguiranse as instrucións da autoridade sanitaria.

En función do número de contaxios, poderá ordenar a corentena dun grupo determinado de contactos estreitos do centro escolar, o peche dunha ou varias aulas, dun nivel educativo ou do centro educativo na súa totalidade de conformidade co previsto na "Guía de actuación ante a aparición de casos de COVID-19 en centros educativos" e co "Protocolo de actuación da Consellería de Sanidade en materia de Saúde Pública en relación con illamentos e corentenas para a prevención e control da infección por SARS-Co-V-2" publicada por Orde da Consellería de Sanidade no D.O.G. do 20 de agosto de 2020, cos seguintes supostos:

- Tendo en conta que, segundo o criterio epidemiolóxico, considerase contacto estreito a calquera alumno, ou profesional do centro educativo, profesor ou outro traballador que compartise espazo co caso confirmado a unha distancia menor de 2 metros e por un tempo superior a 15 minutos cunha utilización indebida da máscara.
- As persoas que teñan a consideración de contactos estreitos da persoa cun diagnóstico confirmado (cunha obriga de illamento durante 10 días) deberán entrar en corentena nos seus domicilios e suspenderán a actividade presencial por período de 14 días. O restante alumnado da aula que non teña a consideración de contacto estreito poderá continuar coa asistencia presencial á aula. Aos contactos estreitos realizaráselle unha proba de COVID nun prazo non superior a 48 horas para identificar ás persoas que teñan unha posible infección por COVID-19.
- En función da intensidade e virulencia do gromo, así como do número de persoas e niveis educativos afectados a Autoridade Sanitaria poderá acordar a medida de corentena da totalidade das persoas que conforman unha aula, das que conforman un nivel educativo completo onde teña xurdido o gromo ou, de ser o caso, da totalidade das persoas que integran un centro educativo. A medida será proposta pola Autoridade Sanitaria dentro do Grupo de Coordinación e Seguimento da Pandemia.

A aparición dun contaxio sospeitoso con posterior confirmación é un suposto de declaración obrigatoria que implicará por parte da autoridade sanitaria a obriga de entrada en illamento de polo menos 10 días no caso da persoa enferma, e de entrada en corentena de 14 días a todas as persoas que teñan a consideración de contacto estreito de conformidade coas indicacións das autoridades sanitarias.



PLAN DE CONTINXENCIA CURSO 2020-2021.

COLEXIO PLURILINGÜE "LA INMACULADA" (PONTEAREAS)

A suspensión da actividade lectiva presencial suporá o cambio a unha educación telemática a través da aplicación *Google Classroom*.

Finalizado o período de illamento das persoas que conforman unha aula, nivel educativo ou centro, realizarase un proceso de retorno á actividade educativa ordinaria presencial. O Grupo de Coordinación e Seguimento da Pandemia determinará o momento a partir do cal se iniciará o retorno e as medidas específicas que sexa preciso adoptar e o comunicará ao centro.

III. ACTUACIÓNS PARA O PERIODO DE ACTIVIDADE LECTIVA NON PRESENCIAL

1º- O ensino non presencial será impartido polo profesorado ordinario do alumnado preferentemente a través da aula virtual de cada grupo. O profesorado realizará o seguimento do alumnado impartindo os coñecementos da materia de xeito virtual a través dos contidos dispoñibles, ben achegados polo profesorado o ben os que poña a disposición a Consellería. Igualmente o/a profesor/a poderá poñer tarefas ao alumnado que reforcen o contido da materia ou a avaliación continua da mesma. Sempre e cando o profesorado non se atope de baixa laboral. Neste suposto a Consellería de Educación deberá indicar os pasos a seguir.

2º - O equipo COVID do centro identificará ao alumnado que teña dificultades de conexión ou falla de equipamento para que a Consellería adopte as medidas oportunas que minimicen as eventuais dificultades da educación realizada por medios telemáticos.

3º - Para cada caso concreto de suspensión da actividade lectiva presencial, a Consellería poderá adoptar as medidas oportunas en relación cos períodos ordinarios de avaliación do alumnado cando coincidan co tempo de suspensión.

4º- Durante o período de suspensión da actividade presencial o centro educativo ten previstas as seguintes medidas:

- a) Uso da aula virtual *Classroom* xunto coa aplicación *Google Meet* que se utilizarán en todos os cursos das diferentes etapas educativas.
- b) A aula virtual estará complementada con vídeo chamadas, chamadas telefónicas, correo electrónico e *tokapp*
- c) Como recursos alternativos a empregar na aula dixital están os elaborados por profesorado do centro e os diferentes blogs de profesores, aloxados na nosa Plataforma *Classroom* e na propia web do centro.

IV. MEDIDAS PARA O REINICIO DA ACTIVIDADE LECTIVA PRESENCIAL

1º- Finalizado o período de peche presencial da aula, nivel educativo ou centro, realizarase un proceso de reactivación por fases da actividade lectiva. Estas fases serán orientadoras, existindo a posibilidade de modificar tanto a súa duración como a porcentaxe do alumnado incluído en cada unha. O modelo a aplicar correspóndelle á Consellería de Educación co asesoramento da Consellería de Sanidade. Sen prexuízo das medidas xenéricas establecidas no protocolo aprobado polas consellerías de Educación e Sanidade o centro ten previsto as seguintes fases de reincorporación:



PLAN DE CONTINXENCIA CURSO 2020-2021.

COLEXIO PLURILINGÜE “LA INMACULADA” (PONTEAREAS)

FASE	DURACIÓN	ALUMNADO	OBXECTIVOS
FASE 1: Adecuación dos espazos	1 semana O equipo COVID do centro establecerá as actuacións a desenvolver, en colaboración coas autoridades sanitarias e educativas.		Desinfección de todos os espazos. Análise da situación dos espazos e as súas necesidades. Revisión do plan de adaptación, buscando posibles erros na redacción ou na execución. (Se fora preciso reorganización de entradas, saídas, recreos, espazos...)
FASE 2: Formación de pequenos grupos.	1 semana	A porcentaxe do alumnado na aula de forma simultánea será do 50 %.	Formar ao alumnado na importancia das medidas de distanciamento físico, utilización de máscara e de hixiene de mans. Informar a comunidade educativa dos cambios nos protocolos de entradas, saídas... de habelos. Formar ao alumnado nestes cambios. Combinar o ensino presencial e a distancia. Avaliación desa etapa
FASE 3: Reforzo das medidas aprendidas en pequenos grupos	3 días	A porcentaxe do alumnado na aula de forma simultánea será do 80%.	Continuar coas actuacións desenvolvidas na fase 2 con maior número de alumnos/as. Combinar o ensino presencial e a distancia
FASE 4: Reactivación.	2 días	Regreso do 100% do alumnado.	Continuar coas actuacións desenvolvidas nas fases anteriores con maior número de alumnado. Revisión das actividades realizadas no período de ensino telemático. Avaliar os contidos adquiridos neste período.

A elección do alumnado que se reincorpore paulatinamente seguirase a orde alfabética.